

Gvangjsih Minzcuz Bau

Cawjguenj: Gvangjsih Bouxcuengh Swcigih Minzcuz Cunghgyau Swvu Veijyenzei

Cawjbanh: Gvangjsih Minzcuz Bause

Geiz neix 8 banj

广西民族报 Aenhauh okbanj: CN45-0036 B.2025 Nd.10 Ng.29 Liggaueq ietceih nienz ndwengouj cogouj Geizsoq: Gungh daih 3691 geiz

Aen Gunghbau Aen Hoih Daengxcungq Baez Daihseiq Cunghyangh Veijyenzei Gaiq Ngeihcib Cunghgoz Gungcanjdangj

(2025 nienz 10 nyied 23 hauh Aen Hoih Daengxcungq Baez Daihseiq Cunghyangh Veijyenzei Gaiq Ngeihcib Cunghgoz Gungcanjdangj doenggvaq)

Aen Hoih Daengxcungq Baez Daihseiq Cunghyangh Veijyenzei Gaiq Ngeihcib Cunghgoz Gungcanjdangj, youq 2025 nienz 10 nyied 20 hauh daengz 23 hauh youq Baekging ciuhai.

Gij vunz daeuj hai baez cienzhohi neix, miz cunghyangh veijyenz 168 boux, boux deqbouj cunghyangh veijyenz 147 boux. Gyoengq veijyenz Aen Cangzvu Veijyenzei Cunghyangh Gijliz Genjaz Veijyenzei caeuq gyoengq boux dungzci dangdaeuz mizgven fuengmienh de lezsiz baez hoih neix. Mbangj gihcwngz dungzci caeuq conghyah yozcej boux daihyauj Ngeihcib Daih aen Dangj hix lezsiz baez hoih neix.

Cienzhohi youz Cunghyangh Cwngcigiz guhgoek. Cunghyangh Veijyenzei cungsuhgi Siz Ginbingz guh le gangjvau youqgaenj.

Cienzhohi dingqaeu caeuq yaenglwnh le aen baugau hongsaeh youz Cunghyangh Cwngcigiz dak Siz Ginbingz guh haenx, saemjlnh doenggvaq le 《Gij Genyi Gvendaengz Ceiqdingh Aen Gveihva Haj Bi Daih Cibhaj Gozminz Ginghami Caeuq Sevei Fazcanj Cunghgung Cunghyangh》. Siz Ginbingz youq gwnz cienzhohi gangjmingz le 《Genyi (Faenh Gauj Yaenglwnh)》.

Cienzhohi cunghaen haengjdingh gij hongsaeh Cunghyangh Cwngcigiz Baez Sam Cungh Cienzhohi Gaiq Ngeihcib aen Dangj doxdaeuj guh haenx. Doengzcaeuz nyinhnaeuz, Cunghyangh Cwngcigiz nyinhcaen doeksaed gij cingsaenz Ngeihcib Daih caeuq gaiq ngeihcib gak baez cienzhohi aen dangj, dawzmaenh aen goekdiuh guhhong youq ndaw onjdingh gouz baenaj, caezcingj cinjdeng cienzmienh hengzndei gij leixniemh hwnghat moq, doengbuenz maeuzveh doicaenh aen cunjdaej baijbouh “haj yiengh gap baenz aen”, dox boiqhab doicaenh aen canloz baijbouh “seiq aen cienzmienh”, doengbuenz maeuzveh ndei ndaw guk rog guk song aen daihbuenz, doengbuenz maeuzveh hwnghat caeuq

ancienz, caiq bae cienzmienh gyalag gajgwz, maenhsaed doinyoengx yiengh hwnghat coh ceiq ndei, doihaeuj hwnghat yiengh minzcuj fapceih sevei cuji, gyarengz guh gaiq hong senhconz swhsiengj vwnzva, saedcaih ca ndei gij hongsaeh baujcanj gwndaen bekkingq caeuq baujhoh swnghdai vanzging, henhoh gukgya ancienz caeuq ndawbiengz onjdingh, guh yiengh sonhag baenzlawz haeujlaeg hengzndei gij cingsaenz Bet Hangh Gvidingh Duh Cunghyangh, haeujlaeg doihaeuj cienzmienh yiemzhaenq guenj Dangj, gyarengz hwnghat gozfangz caeuq bingdoih habngamj ciuhneix, guh ndei gij hongsaeh Yanggangj Aumwnz caeuq gij hongsaeh nangqdaengz Daizvanh, haeujlaeg doihaeuj yiengh vaigyaeh gukhang miz gij daegsaek Cungguk, doinyoengx ginghami lienzaemh dauq hwnj coh ndei, gij hongsaeh “Cibseiq Haj” cujyau aeu guh de yaek guhbaenz liuxcaez. Lungzcung geiqniemh Cunghgoz Yinzminz Gang Yiz Cancwngh Caeuq Seiqgyaiq Fanj Fazsihsw Cancwngh ndaejhingz 80 hopbi, gig daih saenqhwnj gij cingsaenz minzcuz, gikok gij sim gyaez guk, comzgiet gij rengz buekguh.

Cienzhohi gig haengjdingh gij cingzcik hungloet mboengq “Cibseiq Haj” guk raeuz hwnghat aeundaej. Mboengq “Cibseiq Haj” diuz roen guk raeuz byaij daeuj gig mbouj bingzciengz, gig mbouj yungzheih. Najdoiq gij hingzseiq rog guk fukcab doxgeuj caeuq gij hongsaeh ndaw guk gajgwz fazcanj onjdingh gannanz naekcaem, aen Dangjcunghyangh aeu Siz Ginbingz dungzci guh goek de doxgiet dazyinx daengx dangj daengx guk gak cuz yinzminz, nyig nanz bae guh, haenqrengz baenaj, dingj gvaq gij binghrauq baenz sigij noix raen haenx yiemzhaenq cundongj, mizyauq wngqdoi baenzroix fungyiemj deuqnyex hungnaek, doinyoengx saehnieb dangj caeuq gukgya youh caiq aeundaej cingzcik hungloet. Gij saedlig ginghami, saedlig gohgi, guklig

gyoebhab guk raeuz yat hwnj mbaek moq, gij yendaiva yiengh Cungguk caiq yamq onj byaij maenh baenaj, gij moegbiu buekguh aen bak bi daihngieih ndaej ndeinduem byaij hwnj diuz roen moq.

Cienzhohi vixok, guhbaenz sevei cuji yendaiva dwg duenh roen raez baez mbaek hwnjsang, mboujduenh hwnghat doxbae ndeu, aeu lienzaemh roengzrengz, doxciep buekguh. Mboengq “Cibhaj Haj” dwg mboengq ceiq youqgaenj daihdae guhbaenz sevei cuji yendaiva cuknet giekdaj, cienzmienh fatrengz haenx, youq ndaw roenloh daihdae guhbaenz sevei cuji yendaiva miz aen diegvih youqgaenj cieq gonq hai laeng. Mboengq “Cibhaj Haj” gij hwnghat guk raeuz bungzdaengz bienqvaq fukcab dangqmaz, guk raeuz hwnghat cawqyouq mboengq canloz seizgei caeuq fungyiemj deuqnyex caez miz, gaiq nanz liuh hoj dingh de gyalai. Gij ginghami guk raeuz giekdaj onj, gij ndei lai, rengzniu ak, rengzndumj hung, gij diuzgienth dingcengj caeuq gaenbonj byaijyengq ciengzgeiz coh ndei mbouj bienq, gij ndei aen cidu sevei cuji miz gij daegsaek Cungguk, gij ndei hawciengz gveihmoz hungloet, gij ndei aen canjnieb dihi caezcingj, gij ndei vunzcaiz laidaih engqgya yienh ok hawj rengz. Daengx dangj aeu laegdaeuz rox daengz “song aen doekdingh” ndaej gietdingh guhbaenz hongsaeh, gyaak “seiq aen roxyiuj”, dawzdingh “seiq aen gagsaenq”, guh daengz “song aen henhoh”, baujciz rengzdingh canloz, gyaak gij saenqsim itdingh ndaej hingz, lailai rox bienq wngq bienq gouz bienq, gamj doucwng, rox doucwng, mbeilaux najdoiq doengh yiengh gaujniemh hungnaek rumz hung fwn raq engqlj raemx git langh haenq, baengh gagrox doinyoengx lizsij bae gung nanzgvan, dingj fungyiemj, coux deuqnyex, comz rengz banh ndei gij saeh swheij, cieq sij bien sawfaenz moq ginghami hwnghat riengvaih caeuq ndawbiengz ciengzgeiz onjdingh song yiengh mbouj

bingzciengz neix, haenqrengz haicauh aen buenzmienh moq hwnqguh gij yendaiva yiengh Cungguk.

Cienzhohi daegbied gangj daengz, mboengq “Cibhaj Haj” aeu hawj ginghami sevei fazcanj, itdingh aeu dawzmaenh Majgwzsw Lezningz Cuiji, Mauz Cwzdueng Swhsiengj, Dwng Siujbingz Lijlun, “Sam Aen Daihyauj” Cuiyau Swhsiengj, Gohyoz Fazcanjgvanh, cienzmienh gvancez Aen Swhsiengj Sevei Cuiji Miz Gij Daegsaek Cungguk Seizdaih Moq Siz Ginbingz, haeujlaeg gvancez gij cingsaenz Ngeihcib Daih caeuq gaiq ngeihcib gak baez cienzhohi aen dangj, hopheux cienzmienh hwnqbaenz aen gukak sevei cuji yendaiva, guhbaenz gij moegbiu buekguh aen bak bi daihngieih, aeu gij yendaiva yiengh Cungguk bae cienzmienh doicaenh Cunghvaz Minzcuz fukhwngh hungmbwk, doengbuenz maeuzveh doicaenh aen cunjdaej baijbouh “haj yiengh gap baenz aen”, dox boiqhab doicaenh aen canloz baijbouh “seiq aen cienzmienh”, maeuzveh ndei ndaw guk rog guk song aen daihbuenz, caezcingj cinjdeng cienzmienh gvancez gij leixniemh hwnghat moq, gyavaiq cauhaeb aen buenzmienh hwnghat moq, dawzmaenh aen goekdiuh guhhong youq ndaw onjdingh gouz baenaj, dawzmaenh aeu ginghami gensez guh cungsim, aeu doidoengh yiengh hwnghat coh ceiq ndei guh cawjdae, aeu gajgwz cauhoq guh gaenbonj doenghlig, aeu muenxuk yinzminz gij aeyungh gvaq saedceij gyaundeiz ngoenz beiz ngoenz demmaj haenx guh gaenbonj muzdiz, aeu cienzmienh yiemzhaenq guenj dangj guh gaenbonj baujcanj, doidoengh ginghami guh daengz caetliengh caencingq daezswng caeuq soqliengh hableix demmaj, doinyoengx bouxvunz yienghyiengh fatmaj, daengxcungq yinzminz doengzcaeuz fouqmiz byaij ok yamqdin maenhsaed, saedbauj daihdae guhbaenz sevei cuji yendaiva aeundaej gij cincanj miz gietdingh cozyung. (cienj banj 2)